

Poduzetnici, sindikati i organi vlasti partneri su u ekonomskom razvoju



Poslodavci, radnici, poduzetnici, investitori i druge zainteresirane strane u Bosni i Hercegovini mogu uticati na zakonodavce da ponovo usredsrede pažnju na ekonomske reforme, izjavio je danas visoki predstavnik i specijalni predstavnik EU Miroslav Lajčak.

Ambasador Lajčak je rekao da ako Bosna i Hercegovina želi pratiti uspješne primjere drugih zemalja u tranziciji, sve zainteresirane strane moraju pokazati da reforme mogu i da će doista donijeti stvarne prednosti građanima suočenim s raznim poteškoćama te moraju uvjeriti zakonodavce u ovu činjenicu i uticati na njih da donesu i provedu neophodne reforme bez daljnjih odgoda.

Na jutrošnjem sastanku sa predstavnicima sindikata i udruženja poslodavaca visoki predstavnik i specijalni predstavnik EU je naglasio da mu, iako je spreman da lobira pred vlastima da provedu ove i druge reforme, podršku moraju dati ključne osobe u sferi ekonomije, privrednici i sindikati.

Na odvojenom sastanku sa predstavnicima Vanjskotrgovinske komore, Vijećem stranih ulagača i Agencijom za promociju stranih ulaganja, ambasador Lajčak je apelirao na novo razmišljanje o ekonomskom ozračju u Bosni i Hercegovini te na bolji dijalog sa svim nivoima vlasti.

“Rad na uklanjanju prepreka prosperitetu BiH predstavlja ključni element u sveukupnoj strategiji normalizacije politike i približavanja zemlje Evropi,” rekao je ambasador Lajčák. “Ukoliko neimaština i nezaposlenost ostanu na postojećem nivou svi naši naponi u drugim oblastima neće ništa vrijediti i oni koji kreiraju politiku moraju to shvatiti.”